



FYLKESMANNEN
I ROGALAND

Dykkar ref.:

Vår dato: 22.02.2013

Vår ref.: 2013/2003

Arkivnr.: 433.0

Vidar Garheim
Fundingsland
4130 HJELMELAND

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 56 88 11

E: fmropost@fylkesmannen.no

www.fylkesmannen.no/rogaland

Løyve til planting av utanlandske treslag til juletreproduksjon

Fylkesmannen gjev løyve til planting av utanlandske tre til juletreproduksjon på kartfesta areal på eigedom 37/1 i Hjelmeland kommune for 10 år. Det er sett vilkår om at alle tre skal fellast innan 15 år etter planting. Dette løyvet er uavhengig og gjev ikkje føringar for handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.

Syner til søknad, mottatt 21.02.2013. Du søker om løyve til planting av utanlandske tre til juletreproduksjon på din eigedom på Fundingsland i Hjelmeland kommune.

Heimel

Utsetting av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460)*, jf naturmangfaldlova kap IV.

Søknaden

Du søker om utplanting av normannsedelgran *Abies normanniana*, innteikna på kart 1 vedlagt søknaden. I kartvedlegg 2 og 3 går det fram kva areal som er tilplanta i 2011 og 2012. Vi gjer merksam på at forskrifta gjev høve til å handsame søknadar om utplantingar over fleire år om gongen. Det aktuelle arealet er på din eigedom gnr 37/1 i Hjelmeland kommune.

Fylkesmannen si vurdering

Føremålet med forskrifta er å hindre at planting av utanlandske treslag ikkje gjev uheldige konsekvensar for naturmangfaldet. Det er sentralt å sikre at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12. §8 sett krav om at vedtak bygger på kjend kunnskap.

Normannsedelgran er ikkje nemnd i Norsk svarteliste (Artsdatabanken, 2012). Det er ikkje verna område eller truga artar som eller kan bli uheldig påverka av omsøkt plantefelt for 2013.

Vi gjer likevel merksam på ein viktig naturtype som er registrert søraust for hustunet. Området er i stor grad gamal slåttemark med innslag av solblom. Solblom er karakterisert som "sårbar" i Norsk raudliste (Artsdatabanken 2010). Kommunen har gitt avslag på søknad om omdisponering av dette området etter jordlova. Ved behov for replanting eller supplering av plantefelt frå 2012 (vedlegg 3) må det takast særkilte omsyn til det i ein eventuell ny søknad.

Ut frå føre-var-prinsippet (§9) er det viktig å sikre seg mot at plantefelt kjem ut av kontroll, til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverking av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket legg beslag på eller er vesentleg trugsmål mot stadeigne naturkvalitetar.

§11 adresserar ansvaret for eventuelle skader på naturmiljøet til tiltakshavaren. Kostnader ved å bøta på eventuelle skader eller førebygge skader skal dekkast av tiltakshavar, så langt dei er innafor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Vi har ikkje spesielle merknadar til dette i denne saka.

Vi kan ikkje sjå at planting av dette treslaget vil vere til vesentleg skade for naturmangfaldet. Det aktuelle treslaget har ikkje stor risiko på svartelista, og det er ikkje registrert spesielle naturverdiar som kan bli truga av tiltaket på plantefeltet. Det er likevel viktig å sikre seg mot eventuell frøsetting. Det er viktig å dokumentere rutinar for å hindre spreining, og kven som har ansvar for å sikre hogst før frøsetting. Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gjev med dette løyve til utsetting av normannsedelgran på avmerka område på kart 1 vedlagt søknaden. Arealet er til saman 30 daa. Området er på Fundingsland i Hjelmeland kommune. Løyvet gjeld i ti år fram til år 2023.

Det blir sett som vilkår at alle trær som er omfatta av vedtaket skal fellast innan 15 år etter planting. Eigaren av arealet er ansvarleg for felling. Vilkåret for dette løyvet skal gjerast kjend for ny eigar ved eventuelt eigarskifte.

Dette løyvet er utelukkande gitt på bakgrunn av risiko for spreining av utanlandske tre, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.

Klage

Vedtak kan påklagast innan 3 veker etter du har mottatt dette brevet, jf forvaltningslova sine reglar. Klagen sendast til Fylkesmannen i Rogaland, og handsamast av Direktoratet for naturforvaltning dersom fylkesmannen ikkje omgjer eige vedtak.

Med helsing

Per Kristian Austbø
ass. fylkesmiljøvernssjef

Anders T. Braa
viltforvalter

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Anders T. Braa
Saksbehandlar telefon: 51 56 89 14
E-post: fmroatb@fylkesmannen.no

Kopi til:
Hjelmeland kommune Vågen 4130 Hjelmeland